

1932. 2803

Stadts-
n. Universitäts-
Bibliothek
in
Königsberg
i. Pr.

zinkarsch
morsano

Ein gemein Christlich Gebet.

Für
Den Durchleuchtigsten vnd Hochgebornen Fürsten vnd Herrn / Herrn
Albrecht Friedrich Marggraffen zu Brandenburg / vnd Herzogen in Preussen / etc.

Dieweil F. D. zu Preussen / vnser gnediger liebster Landtsfürst vnd Herr / von Gott dem allmechtigen hart angegriffen / vnd mit schwerem Creutz heim gesucht wird / also das ihr F. D. sich des trawrigen schwermütigen geistes nicht erwehren können / vnd derhalben in der höchsten gefahr stehen / Welches wir vnsern grossen sünden / damit nicht allein ihr F. D. sondern auch wir vnter- thanen vns gegen Gott dem Allmechtigen auff mancherley weise / sonderlich aber mit verach- tung seines heiligen Göttlichen Wortes vnd fleischlicher sicherheit / versündigtet haben / zu zu- messen ist / vnd wir in diesem kleglichen vnd hochbetrübttem fall billich Gottes gerechten Zorn vnd strenges Gericht erkennen sollen / Als wollen wir vns von hertzen für Gott vnserm Schepffer vnd Heiland demütigen / mit den heiligen Propheten bekennen vnd sagen / Herr Gott Himlischer Vater / vnser lieber Landtsfürst / vnd wir alle sampt haben gesündigtet / sind deinem wort vngheorsam gewesen / vnd haben wieder dein heiliges Gebot vielfeltig geban- delt vnd gelebet / wir haben ja heiliger Gott diese schwere straffe vielfeltig verdienet / das du vns lesest einen betrübtten anblick sehen / an deme / da wir rath / hülff / vnd trost / auch schütz vnd schirm suchen solten. Aber Herr Gott / barmhertziger gütiger Vater / der du lust hast vnd schirm suchen solten. Aber Herr Gott / barmhertziger gütiger Vater / der du lust hast zum leben vnd nicht am tode des Sünders / sey vns gnedig nach deiner vnaussprechlichen barmhertzigkeit vnd güte vmb deines allerliebsten Sons vnseres H. Xren vnd Heilandes Ihesu Christi willen. Verzeihe gnediglich beide vnserm Landtsfürsten vnd vns alle vnser sünde / bekandte vnd heimliche / Siehe vnsern Landtsfürsten vnd Vater mit augen der barm- hertzigkeit an / nim von im den Geist der trawrigkeit vnd schwermüt / erleuchte vnd füre ihn durch deinen heiligen Geist / das er zu deinem heiligen wort widerumb lust gewinne / deinen Namen liebe / vnd deinen trewen Dienern am heiligen Euangelio Ihesu Christi / gerne ge- horche vnd folge. Stercke seine F. D. durch deinen heiligen Geist / damit er sich aller an- fechtung / so der böse Feind fürwirfft / entschlage / vnd denen ritterlich obsiege. Verleihe im verstand vnd weißheit / gesundheit des Leibs vnd der Seelen / gnad vnd segen / das seine F. D. sich der von Gott auff getragenen Landtsregierung fürstlichen anneme vnd Christlichen verwalte / ein löblicher Nutritius vnd Pflieger sey deiner Kirchen vnd Schulen / vnd in allen Christlichen vnd Fürstlichen Tugenten der massen zuneme vnd wachse / Das du ewiger vnd heiliger Gott durch seine F. D. als durch deinen Diener / vnd durch vns alle in heili- gem gehorsam gelobet / gepreisset vnd gerühmet werdest / Wir alhie auff Erden ein Christ- liches / züchtiges / erbares vnd friedliches leben / vnter seiner F. G. schutz vnd schirm führen / Durch deinen Son Ihesum Christum vnsern Herren vnd Heiland / sampt vnserm lieben Landtsfürsten die ewige Seligkeit erlangen / vnd dir für alle deine vnaussprechliche woltha- ten / vnd auch für diese gnedige erhörung in alle ewigkeit dancksagen / Amen.

Königsberg in Preussen / Anno Domini
M. D. LXXIII.

Ein Gemaynt Buch

Das Buch der Gemeinlichen Handlung der Stadt Frankfurt am Main

Dieses Buch ist ein Gemaynt Buch der Stadt Frankfurt am Main. Es enthält alle Handlungen der Stadt von dem Jahr 1240 bis 1550. Das Buch ist in drei Theile getheilt. Der erste Theil enthält die Handlungen von 1240 bis 1350. Der zweite Theil enthält die Handlungen von 1350 bis 1450. Der dritte Theil enthält die Handlungen von 1450 bis 1550. Das Buch ist in lateinischer Sprache geschrieben. Es ist ein sehr wichtiges Dokument für die Geschichte der Stadt Frankfurt am Main. Das Buch ist in der Stadtbibliothek von Frankfurt am Main aufbewahrt.

M. D. LXXIII
Abgedruckt in Frankfurt am Main

Handwritten signatures and notes in the right margin.

Small handwritten mark or signature at the bottom right.